

## Téamaí le breithniú

### Cumarsáid faoi alt 9 den Acht (Litreacha, ríomhphoist & cora poist)

Dualgais reatha faoin Acht:

- Cumarsáid a fhreagairt sa teanga ina bhfuarthas í;
- Faisnéis i scríbhinn nó leis an bpost leictreonach a eisiúint i nGaeilge nó go dátheangach.

#### 1. I do thuairimse, an leor na dualgais seo, an bhfuil siad iomarcach nó an dteastaíonn leasú orthu?

*Is leor na dualgais seo.*

### Foilseacháin faoi alt 10 den Acht

Dualgais reatha faoin Acht:

- Doiciméid áirithe a fhoilsiú go comhuaineach i nGaeilge agus i mBéarla (m.sh. tuarascálacha bliantúla, cuntais iniúchta, tograí beartais phoiblí, ráitis straitéise srl.

#### 2. I do thuairimse, an leor na dualgais seo, an bhfuil siad iomarcach nó an dteastaíonn leasú orthu?

*Is leor na dualgais seo.*

### Comharthaí, stáiseanóireacht & fógairtí taifeadta béil faoi na Rialacháin faoin Acht (I.R. Uimh. 391 de 2008)

Dualgais reatha faoin Acht:

- Cloí leis na Rialacháin maidir le húsáid na Gaeilge agus an Bhéarla ar chomharthaí, ar stáiseanóireacht agus i bhfógairtí taifeadta béil.

#### 3. I do thuairimse, an leor na dualgais seo, an bhfuil siad iomarcach nó an dteastaíonn leasú orthu?

*Is leor na dualgaisí seo.*

### Scéimeanna Teanga faoin Acht

Is iad na scéimeanna teanga croílár an Achta Teanga. Leagtar amach sna scéimeanna teanga an córas trína bhforbraíonn comhlachtaí poiblí a gcuid seirbhísí trí Ghaeilge thar thréimhse ama. Is trí na scéimeanna teanga a dhéileáiltear le húsáid na Gaeilge ar shuíomhanna gréasáin, ar bhileoga, ar bhróisiúir, ar fhoirmeacha, trí sheirbhísí teileafóin, trí sheirbhísí idirphearsanta eile, trí sheirbhísí ar líne srl.

**4.(a) I do thuairimse, an bhfuil córas na scéimeanna teanga sásúil, an bhfuil sé iomarcach nó an dteastaíonn leasú air?**

*Tá coincheap na scéimeanna teanga seo sásúil agus bunaithe ar phrionsabail ach dealrítear go bhfuil gá le poiblíocht faoin méid atá sna scéimeanna éagsúla. Tá bonn cirt chun ábhar i gcoitinne idir na scéimeanna go léir a chur chun tosaigh agus, go mór-mhór, feasacht ar na scéimeanna a ardú laistigh de na heagraíochtaí féin.*

**4.(b) An bhfuil malairt córais a mholfá a bheadh níos éifeachtaí agus níos éifeachtúla?**

*Níl a mhalairt córais á mholadh ach, chun chur leis na scéimeanna, a ba cheart Plean Oiliúna do leordhóthain foirne a bhfuil leibhéal A2 / B1 den Teastas Eorpach sa Ghaeilge bainte amach acu.*

**Seirbhísí ó chomhlachtaí poiblí sa Ghaeltacht**

Sa chaoi is gur féidir leis an Stát tacú le stádas agus le húsáid na Gaeilge sa Ghaeltacht, tá sé an-tábhachtach go mbeidh pobal na Gaeltachta ábalta a ngnóthaí oifigiúla a dhéanamh leis an Stát trí Ghaeilge.

**5.(a) An bhfuil tú sásta leis na seirbhísí atá á soláthar trí Ghaeilge ag comhlachtaí poiblí sa Ghaeltacht?**

*Tá feabhas tagtha ar an tseirbhís seo agus go hiondúil tá siad sásúil go leor.*

**5.(b) An bhfuil leasuithe a mholfá a chuirfeadh le héifeachtacht agus le héifeachtúlacht na gcomhlachtaí poiblí sa réimse seo?**

*Go gcuirfí dualgais reachtúla ar chomhlachtaí poiblí a gcuid seirbhísí a sholáthar trí mheán na Gaeilge sa Ghaeltacht ar chomhchaighdeán leis na seirbhísí a chuirtear ar fáil trí Bhéarla in áiteanna eile.*

**Forálacha eile faoin Acht**

Tá forálacha eile san Acht a dhaingníonn cearta maidir le húsáid na Gaeilge san Oireachtas, sna cúirteanna agus i gcóras logainmneacha an Stáit.

**6. I do thuairimse, an leor na forálacha seo, an bhfuil siad iomarcach nó an dteastaíonn leasú orthu?**

*Is leor na forálacha seo.*

**Comhlachtaí poiblí faoin Acht**

Cuireann an tAcht dualgas ar chomhlachtaí poiblí, atá liostaithe faoin Acht, seirbhísí a sholáthar trí Ghaeilge. Tá liosta iomlán na gcomhlachtaí poiblí faoin Acht ar fáil ag [www.ahg.gov.ie](http://www.ahg.gov.ie).

Tá na comhlachtaí poiblí seo a leanas liostaithe faoin Acht – Ranna agus oifigí Rialtais, údaráis áitiúla, ollscoileanna, institiúidí tríú leibhéal eile, coistí gairmoideachais, an Garda Síochána, an tSeirbhís Chúirteanna, na Coimisinéirí Ioncaim, Feidhmeannacht na Seirbhíse Sláinte, gníomhaireachtaí, boird & cuideachtaí Stáit eile.



7. I do thuairimse, an bhfuil liosta na gcomhlachtaí poiblí faoin Acht cuí nó an dteastaíonn leasú sa réimse seo?

*Tá liosta na gcomhlachtaí poiblí faoin Acht cuí.  
Is liosta an-chuimsitheach atá ann.*

**Oifig an Choimisinéara Teanga**

Is faoin Acht a bunaíodh Oifig an Choimisinéara Teanga. Is é príomhról na hOifige ná monatóireacht a dhéanamh ar chur i bhfeidhm an Achta.

8. I do thuairimse, an bhfuil cumhachtaí agus feidhmeanna na hOifige sin dóthanach nó iomarcach agus an dteastaíonn leasuithe orthu?

*'Sé tuairim an Chomhaltais ná go bhfuil ag éirí go han-mhaith le Oifig an Choimisinéara Teanga agus ba cheart go leanfadh sí ar aghaidh mar oifig neamhspléach / sheirbhís ina aonar, agus nach gcónascfaí é le hOifig an Ombudsman.*

**Go ginearálta**

9. An bhfuil leasuithe eile a mholfá ar an Acht le cinntiú gur reachtaíocht í atá oiriúnach agus cuí dá feidhm?

*Níl leasaithe eile á mholadh againn.*

10. Céard iad na seirbhísí trí Ghaeilge a bhfuil éileamh agat féin orthu ó chomhlachtaí poiblí nó an gceapann tú gur cheart tosaíocht a thabhairt dóibh?

*Baineann ballraíocht ginearálta agus comhphobail an Chomhaltais úsáid as an nGaeilge go rialta mar theanga beo. Ag éirí as sin, agus an gealltanas atá ag CCÉ do chur chun chinn na Gaeilge mar theanga cumarsáide, tuigtear go bhfuil an deis chun gnáth idirleathach le comhlachtaí poiblí an stáit a dhéanamh trí Ghaeilge fíor-thábhachtach.*

*Ag tógaint san áireamh ganntanas foirne le cumas Gaeilge molfaimid go gcuirfear Seirbhísí i nGaeilge ar-líne ar fáil, an oiread agus is féidir.*

11. Céard iad na constaicí nó na deacrachtaí a fheictear duit a bhaineann le seirbhísí ar chomhchaighdeán a sholáthar i nGaeilge ag comhlachtaí poiblí?

*Tugtear go bhfuil ganntanas foirne le cumas Gaeilge sna comhlachtaí poiblí.*

12. Céard iad na leasuithe a mholfá ar an Acht le forbairt a dhéanamh ar sheirbhísí Stáit trí Ghaeilge ar bhonn éifeachtach agus éifeachtúil ó thaobh costais de?

*Go mbeadh dualgais chomónta i measc Comhlachtaí Poiblí cosúla ionas go mbeadh tuiscint ag an bpobal ar na seirbhísí ar féidir leo a bheith ag súil leo sa dá theanga oifigiúil.*